



22. august 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Ukioq manna Inatsisartunut qinersereernerup kingorna Naalakkersuisut siulittaasoriligaata qallunaat ministeriunerat qasseriarlugu maannamut ataatsimeeqatigereerpaa?**
 - a. Ullut sorliit?
 - b. Suut oqaluuserineqarpat?
 - c. Nunatta Danmarkip iluani naalagaaffeqatigiinnarnissaanik aammalu tamatuma nukittorsarnissaanik imalimmik oqaaseqartoqarpa? Kina?
- 2. Ukioq manna Inatsisartunut qinersereernerup kingorna Naalakkersuisut siulittaasoriligaata qallunaat nunanut allanut ministeriat qasseriarlugu maannamut ataatsimeeqatigereerpaa?**
 - a. Ullut sorliit?
 - b. Suut oqaluuserineqarpat?
 - c. Nunatta Danmarkip iluani naalagaaffeqatigiinnarnissaanik aammalu tamatuma nukittorsarnissaanik imalimmik oqaaseqartoqarpa? Kina?
- 3. Danskitt naalakkersuisui Naalakkersuisunut oqaatigisimavaat, ullumikkut sillimaniarnikkut illersornissakkullu Danmarkip Nunattalu akornanni suliaasaqarfiit pillugit agguaaqatigiissimaneq naapertorlugu, Kalaallit Nunaata sillimaniarneranut illersorneqarnissaanullu, ukiut ingerlaneranni aammalu massakkut, Danmarkip NATO-mut pisussaaffiinik allatigullu nunarsuarmi nunat agguataarsimaneranut avaqqunneqarsinnaanngitsunut tunngatillugu, Danmarkip pisussaaffimminik naammassinnissimasoq?**
 - a. Naalakkersuisullu tamanna isumaqatigivaat / isumaqatiginngilaat?
- 4. Nunatta illersorneqarnissaa pillugu USA ataasiarani oqariartortarpoq, Danmarkip pisussaaffimminik sumiginnaasimasoq. Naalakkersuisut tamanna isumaqatigivaat imaluunniit isumaqatiginngilaat? Aammalu suut tunngavigalugit isumaqatigaat / isumaqatiginngilaat?**
- 5. Nunatta uatsinnut tunngassuteqartutigit nunanut allanut tamakkiisumik oqartussaassuseqalernissaa Naalakkersuisut sulissutigaa?**
 - a. Taamaanngippat suna tunngavigalugu?
 - b. Taamaappat suliniutit suut ingerlanneqarpat?

(Inatsisartunut ilaasortaq Erik Jensen, Siumut)

**Tunngavilersuut:**

Inatsisartunut ilaasortatut pisariaqartippara ilisimassallugu, Naalakkersuisut Danmarkimi naalakkersuisunut peqatigalugit ataatsimiinneri sussimanersut, naalagaaffeqatigiit pillugit qanoq oqariartortoqarsimanersoq, Kalaallit Nunaat pillugu kukkusumik paasissutissiisoqarsimasinnaanersoq, USA-p Danmarkip Kalaallit Nunaannik illersuineranik isornartorsiuteqarluni oqaaseqarsimanera kiisalu nunanut allanut politikimik ingerlatsinermut periarfissanik ineriartortitsisoqarnersoq.

Tamakku tunngavigalugit apeqqutit qulaani allassimasut apuuppakka.

Apeqqutigineqartut ullut suliffiusut qulit iluanni akeqquneqarput.